

BK
Bidebarrieta
Kulturgunea



OINARRIAK - BASES

**MIGUEL DE UNAMUNO
SAIAKERA LEHIAKETAREN
26. EDIZIOA**

**26° PREMIO DE ENSAYO
MIGUEL DE UNAMUNO**

2025

B

Bilbao

1. Bilboko Udalak **MIGUEL DE UNAMUNO SAIKERA LEHIAKETAREN 26.** edizioaren deialdia egin du.
2. 18 urtetik gorako nazionalitate eta leku guztietako idazleek har dezakete parte.
3. Modalitate bi jarri dira: euskarazkoa eta gaztelaniazkoa. Modalitate biotako batera aurkez daiteke obra bakoitza.
4. Saiakera-lanen gaia librea da eta pentsamenduaren edozein jakintza-arlotakoak izan daitezke; hala ere, ikusmoldea sormenekoa izango da, eta ez akademikoa. Era berean, aurkeztutako lanak ez dira doktoretza-tesi edo ikerlan baten transkripzio hutsa izango. Argitaratua izan ahal izateko monografia izaera izango dute. Kontuan hartu behar da epaimahaiak estiloa eta egitura bereziki baloratuko dutela, baita irakurtzeko arintasuna edo atsegintasuna ere. Azkenik, lanek gai bakarria garatuko dute edota elkarrekin zerikusia duten zenbait gai, beti ere, osotasunari eutsiz. Ez dira onartuko artikuluen bilduma hutsak.
5. Saiakerak originalak, argitaratu gabeak eta, argitaratuz gero, aipatu beharreko saririk eta accesitik lortu bakoak izango dira (baldintza horiek guztiak epaia eman arte eskatuko dira). Ez dira originaltzat hartuko aukeratutako modalitatekoa ez den beste hizkuntza batetik itzultitako lanak. Lehiaketa honetara aurkeztu ostean, lana argitaratu edo sarituko balute, egileak egoera berri hori jakinarazi beharko die antolatzaileei.
6. Lanak gutxienez 100 orriko eta gehienez 250 orriko luzera izango dute (DIN A-4 formatuan, Times New Roman letra-motan edo baliokidean, eta 12 neurrian), lerrotik lerrora tarte bat eta erdi (1,5) utzita.
7. Lanak udalaren web-orriaren bidez aurkeztu beharko dira:
 - www.bilbao.eus/premiounamuno.
 - www.bilbao.eus/unamunosaria, euskaraz.
 Saiakera-egileak haxe egin beharko du:
 - Idazkia bere datuekin bete.
 - Saiakera-lana PDF formatutan erantsi. Bere nortasuna ez da agertuko, ezta egilea nor den jakiteko moduko beren-beregiko azalpenik ere, dokumentuko orri batean ere.
8. Lanak aurkezteko epea 2025eko otsailaren 15ean hasiko da eta 2025eko apirilaren 30ean amaituko da.
9. Hizkuntza modalitate bakoitzerako epaimahai bat egongo da eta epaimahaiok oinarri hauek interpretatu ahal izango dituzte beharrezkoa bada, baita eurek jarduteko arauak finkatu ere. Sariak emateko edota, behar denean, eman gabe uzteko ahalmen osoa izango dute epaimahaiak. Epaimahaiaren erabakia ezin izango da eztabaidatu.

Edonola ere, epaimahaikideek lanen egileak nortzuk diren jakin gabe lanak baloratzea bermatuko du lehiaketa honen antolatzaileak.
10. Saritutakoak berak joan beharko du sari-banaketaren ekitaldira, horretarako jarriko den tokian, egunean; eta orduan eta honek ezinezkoa balu bertaratzea, ordezkoa bidaliko luke. Sariak banatzeko ekitaldia **2025eko azken hiruhilekoan** izango da.

Epaia Bilboko Udalaren Interneteko helbidean argitaratuko da: www.bilbao.eus
11. Bilboko Udalak euren gain hartzen ditu saritutako lanen ustiapen eskubideak, emandako sariaz gain ezer ordaindu barik, saria bera izango baita egingo den ordainketa bakarria eta osoa; horretarako egileek hitzematzen dute:
 - a) Saritutako lanak argitaratzeko, banatzeko eta salgai jartzeko eskubideak lurralde muga barik eta legez ezarritako gehieneko eperako lagatzen dituztela, merkaturatze-sistema eta argitaratzemota eta euskarri guztietarako. Lagapen hori Bilboko Udalari egingo zaio, epaia ematen denetik hasi eta urte biko eperako.
 - b) Bilboko Udalari eskumena ematen diotela, udalak bere kabuz zein argitaletxe publiko edo pribatu baten bitartez, egoki deritzon hainbat argitalpen egiteko. Argitalpen bakoitzeko ale-kopurua ere erabakiko du udalak.

- c) Bilboko Udalari eskumena ematen diotela saritutako saiakera-lanak beste hizkuntza batzuetara itzultzeko, jatorrizko hizkuntzakoak ustiatzeko eta erabiltzeko dituen eskubide berberekin.
12. Edozelan ere, saritutako lanek Bilboko Udalak esku hartu barik argitaratuz gero, hizki deigarrietan agertu beharko dute zein sari jaso duten.
13. Modalitate bakoitzean 6.000 euro gordineko saria emango da. Diru-kopuru horri dagozkion atxikipenak egingo zaizkio, indarrean dauden arauen arabera (Espainiar estatuko egoiliarrentzat Pertsona Fisikoen Errentaren gaineko Zerga eta atzerriko egoiliarrentzat Ez-egoiliarren Errentaren gaineko Zerga).
14. Lehiaketan parte hartzeak berekin dakar arauok oso-osorik onartzea. Oinarrietan araututa ez dagoenerako, ordezkio izaeraz, Bilboko Udalaren eta zuzenbide publikoko bere erakundeen eta entitateen deialdiaren bidez diru-laguntzak emateko oinarriak arautzen dituen Ordenantza Orokorra aplikatuko da. Bilboko Udalak 2016ko ekainaren 30ean onartu zuen ordenantza hori eta Bizkaiko Aldizkari Ofizialean, 2016ko uztailaren 20ko 138 zenbakian argitaratu zen.

IRABAZLEEI ORDAINKETAK EGITEKO OHARRAK

Egoitza fiskala Estatu espainiarrean duten pertsonak, saria emandako aurretik, honako hauek aurkeztu beharko dituzte:

- a) Eskaera sinatzen duen adierazpen hau: Ez diola uko egiten Bilboko Udalari dagozkion egiaztapenak egiteari zerga-betebeharrak eta Gizarte Segurantzarekikoak ordainduta dituela egiaztatzeko, eta baita udalarekin berarekin zorrik ez duela egiaztatzeko.
- b) Erantzukizunezko adierazpena, Diru-laguntzen 38/2003 Lege Orokorren 13. artikulua eta Emakumeen eta Gizonen Berdintasunerako 4/2005 Legearen 24-2. artikulua ezartzen dituzten debekuetako bat ere ez duela

adierazten duena. Era berean, ez du eragozpenik jartzen Bilboko Udalak behar diren egiaztapenak egin ditzan, udalarekin berarekin zorrik ez duela egiaztatzeko.

- c) Bilboko Udala aldetik, kontzeptua edozein izanda ere, inoiz ordainketarik jaso ez dutelako Hartzekodunen Erregistroan inskribatuta agertzen ez diren pertsonak, "Hartzekodunen Fitxa" behar bezala beteta aurkeztu beharko dute. Horrekin batera NAN/IFZ/pasaporte eta dirua sartuko den banku-kontuaren titulartasuna egiaztatzen duen edozein agiri ere aurkeztu beharko dituzte.

Egoitza fiskala atzerrian duten pertsonak, a) atalean eskatzen den baimena emon beharrean, "Egoitza Fiskalaren Ziurtagiria", egoitza duen nazioan eskumena duen agintariak egina aurkeztu beharko dute.

Bilbon, 2025eko otsailean

B

Bilbao

BK

**Bidebarrieta
Kulturgunea**



**KULTURA JASANGARRIA
CULTURA SOSTENIBIE**



BidebarrietaKulturgunea

